

Universitätsbibliothek Paderborn

**Joannis Pierii Valeriani Bellunensis Hieroglyphica, Sive De
Sacris Ægyptiorum Aliarumque Gentium Literis,
Commentariorum Libri LVIII**

Valeriano, Pierio

[Lipsiae] ; Francofurti Ad Moenum, 1678

Animus.

urn:nbn:de:hbz:466:1-14259

A Iiae tyrannum à Timao historiarum scriptore notatum observavimus, quem tota pueritia *noivis acci-*
piter fuisse tradit, nec minus petulanter reliquum atatis tempus in nequitia peregrinse. Ceterum Acci-
piter præter id, quod egregie est prolifica vi præditus, id etiam commune habet cum Sole, quod &
vivacissimus esse perhibetur, & jubari ipsius radios firmiter intuetur. Unde etiam sit, ut Medici ad o-
cularum morbos Accipitrina herba utantur beneficio. Qui quidem rerum consensu etiam transit
ad metalla. Siquidem ferunt osla ex ejus tibiis admota auro, ita id attrahere, quemadmodum Ma-
gnes ferrum sibi cogit adhæscere: nimur enim Chymici aurum folare metallum ponunt. Por-
ro Accipitrem Apollinis nuncium dici, legas apud Adamantium. Plutarchus, qui eumdem Osirum
& Solem interpretatur, omnino propter eximiam videndi facultatem hoc assertum putat. Habet &
aliam cum Sole similitudinem Accipiter, quod ut perhibent, tricesimo quoque die soleat scimine
consortium appetere, ut Sol eo circiter temporis intervallo superato, Luna conjungitur. Ea vero
fuit mortalium religio, Medicina inventum Apollini adscribentium, ut in desperatis a clinica medi-
cina morbis, cuiusmodi quartanae sunt, in quibus parum illa, ut nihil pollet, persuasum sit vel pulve-
B rem, in quo se volutaverit Accipiter, lino rutilo in linteolo adalligari decumbentis collo, remedio,
ut ajunt, efficacissimo.

DEUS. CAP. III.

Sed cur ego dissimilem, quod ab Eusebio resertur super ali-
 tis hujus præstantia, ut inquit ille, à Zoroastro traditum,
 Deum Accipitris habere caput? quippe qui inter omnia ea,
 quæ labem nullam aut corruptionem sentiant, primus in-
 genitus, neque interitus unquam, partium expers, sibi
 que ipse similissimus, bonorum omnium origo atque au-
 thor, rerum pater omnium optimus ac prudentissimus, fa-
 crum justitiae lumen, absolutissima naturæ perteccio, ejus-
 que inventor & sapientia: quas dotes cum Soli plerique at-
 tribuant, quaro magis ejus authori summò convenient, qui
 C tabernaculum suum in eo, uti apud scriptores divinos legi-
 tur, collocavit.

SUBLIMITAS. CAP. IV.

Motum ad hæc philosophantis cuiuspiam, qui recta feratur in sublime, nulla prava rationis
 fallacia perplexitateve labefactus, sed quicquid hic conspexerit, statim surrigat ad Deum, ii-
 dem ipsi sacerdotes ostendere si vellent, Accipitrem sursum verlus aera captantem pingere con-
 fuerunt. Cetera enim volatilia, si cursum arripuerint in sublime, obliquo ferri tractu, curvatisque
 spatiis agi coguntur, neque recta cursus possunt intendere. Solus autem Accipiter sublimipeta re-
 cto meatu volat.

HUMILITAS. CAP. V.

Contra vero, si à sublimium consideratione se ad hæc inferiora demiserit, quasq; ibi ideas con-
 spexerat in centro hoc recognoscat, neque ab recto quicquam aberrarit itinere, volentes indi-
 D care, Accipitrem identidem se ad terram demittentem faciebant: nam volucres reliquæ, veluti
 sursum verlus volatilæ, per circuitus alcendunt, ita cum descendunt, transverlo, tortuosque vola-
 tu id facere coguntur. Verum Accipiter, uti sursum verlus efferendus, recta fertur, ita si superne
 delapsus, ad terram humpeta fiat, recto ad nos tramite defertur.

ANIMUS. CAP. VI.

Cum itaque potiores volandi partes Accipitri date sint, animusque sit Platoni alatus, sint vola-
 tilia etiam in Paradisum deliciarum, quippe in animam ad hominem adducta, quod varios
 ipsius cogitatus ostendit, non immerito Accipiter tam ob hoc, quam etiam ob ea quæ superius dicta
 sunt, animi simulacrum habetur apud Agyptios: hique duo quos ponunt motus, totidem in animo

*Cur Deus
per Accipi-
trem.*

*Hinc Homo.
Iliad. libr.
1. Οὐρα-
νοὶ οὐκ
perniciores
accipiri-
bus.*



affectus indicant, qui tunc accipiter sublimipeta est, cum cogitationem in Deum & in cœlestia surgit: humipeta vero, cum se ad ea, qua terra beneficia sunt examinanda applicaverit. Accipitrem igitur sursum versus tendentem si quis pingat, animum qui ad divina suffollatur intelligemus quem si ad inferna delabentem effinxerit, Philosophum præcipue Peripateticum, cuius scilicet omnis contemplatio circa materiam versatur, delineatum intuebimur. In universum autem, ut Hesychius ait, volatilia in sacris literis homines ostendunt, qui contemplatione vacant, terrenis negotiis haudquaquam immiscentes: quod si necesse fuerit ab ea se dejicere, statim revolant in subume. Nam & Eucherius sanctum virum hieroglyphice ponit tradit per Accipitrem in Divinis literis: five ea de causa quam superius attigimus, five quia volucris hæc præcipue, mutata veteri pennâ, signiter renovatur. Ita vir qui se Deo dedicat, inveterata prioris vita studia projiciens, simplicem bene vivendi regulam assumit, ad quam omnem vitam suam rationem dirigat, eoque spectare Jobis dictum, *Nunquid in sapientia tua plane fecit Accipiter?*

MARS ET VENUS. CAP. VII.

Marti & Veneri cura Rat & illud apud sacerdotes Ägyptios memorabile commentum, quod Martem & Venerem dicatori Accipitres duo utriusque sexus intelligebant, quorum marem Marti, feminam Veneri designabant. Causam figmenti eam memorant, quod reliqua fœminei sexus animalia maribus concubitu assiduum depositentibus minime morigerata sint, quod una præstat Accipiter: trigesies enim uno die requisita, quantumlibet secesserit, appellata à mare iterum atque iterum obsequitur. Feminas vero maribus morigeras, five ut in aliquot Horis codicibus habetur, in Venerem procliviter pronas, elogio Veneris Ägyptii honestabant: difficiles autem, rusticæ & morosas, ab hujusmodi cognomento repellebant. Alia item causa est cur Martis vocabulo Accipiter accipiatur: quia scilicet ex traditione quadam astronomica sanguinem à Marte regi noverant, cuius Accipiter est egregius sitibundus: est autem animal omnino violentum, imperiosum, cædis cruentisque avidum. Hinc apud Platonem in Phædone, legas eorum animas qui dominationem per violentiam, & injuriam & rapinas exercuerint, post obitum in Accipitres & Milvios abire.

RAPINA. CAP. VIII.

Accipitrum Ius interdum. &c. Hunc quoque sacræ literæ Levitico mensis inferri prohibent: propterea quod rapax aliquo animal ad impietatis quidem disciplinam, ut diceret Hesychius, circumcuratur, & imperata facere adiutum. Et auctus tamen ejus ad simplicium avium extium expeditur. Hi sunt, qui sacerdotalem hujus vel illius familia vitam professi, meliora secuti videbantur, ut nihil jam his ad hominis vere Christiani tranquillitatem abesse videretur: Principum tamen aulas affectantes, ad rapacitatem, ad pristinos reversi mores, & suis & aliorum libidinibus inservientes, divina profanaque omnia commiscant. Hinc hæsum favor, atque fomentum, hinc bellorum adhortationes, impulsionesque, hinc bonorum pressura vexationesque, populorum cædes, urbium incendia, regnorum eversiones, terrarumque desolationes oboruntur. Sic olim Basilius, sic Athanasius, sic Chrysostomus, sic magno numero alii male habiti: sic nunc armorum sonitus totus sere Christianus orbis excivit, quæ tragedia quam sit habitu catastrophen, nemo conjectare potest: calamitatem tamen in Christianum nomen facile omnes præfigere possunt.

FILIORUM ABDICATIO. CAP. IX.

Aquila & Accipitris conuenientia. Simile quid Aquila in Accipitre accidere tradunt Ägyptii, cum scilicet tria parsat, unum tantum ovum feligere, sovere, ac alere, reliqua vero duo confringere. Quapropter iidem ipsi sacerdotes si quem filios domo exactos alegantem exprimere voluerint, Accipitrem foetam, vel incubantem, pingere solui erant: ita tamen rem accipiebant, ut qui abdicaret, vel a se rejiceret, propter egestatem & inopiam id facere cogeretur. Nam eadem in Accipitre causa fertur, cum in Aquila non indigenia, sed fastidium in causa sit, ut unum tantum alat. Ferunt autem incubationis tempore unguis Accipitri decidere, quorū admiciculo destituta, fit ut vix ad alimenta, quæ uni sufficiente conquirenda, idonea sit: quare, ne qui reliquias est unus pareat, omne in eum studium & diligentiam impedit.

VITA